



słowo tygodnia

ŠMJAT JE

čo. 6

- a) syn mojeho kuzenka
- b) šmjatańca a chaos
- c) grat za roztlóčenje běrnów

Prawa je wotmołwa **b**.

Šmjat woznamjenja njerozrisanu situaciju, hač we hłowje čłowjeka abo w towaršnosći. Něšto hišće zřadowane njeje.

Takle móžeš tež prajić:

- šmjatk, zašmjatanosć, njeporjadk, njeroda, chaos

Připódlu prajene:

Za chaotiske poměry mamy rjany serbski wuraz »chwat a šmjat«. Wšitko dyrbi spěšnje hić, njeje pak rjadowane – kajka to katastrofalna kombinacija!

Přikłady z rěčneho korpusa:

Nětko pak, jeli něšto na tym je, štož bě Krüger naspomnił, by so snano lěta na bok sunjeny *šmjat* w jeho hłowje – wjace to njebě – nastupajo monokulture lěsy nitku po nitce rozšmjatać hodžał. (Jurij Brězan, Habakuk. Budyšin 2004)

Zo by so tutón *šmjat* skónčił, dojedna so w léće 1883 najwjace krajow na mjezynarodnej konferency wo rozřadowanju zemje na časowe pasma. (Domizna a swět. Srjedźna šula 8. lětnik. Budyšin 2007)